

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 43

14 აპრილი, 2025 წელი

ქ. თბილისი, თავისუფლების მოედანი N 2

12:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ლევან აბაშიძე. სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიბლოშვილი

მარიამ ზაქარიაშვილი

თამარ ჩახვაშვილი

კომისიის თავმჯდომარემ კენჭი უყარა დღის წესრიგით წარმოდგენილ საკითხებს:

დღის წესრიგი

1. ქალაქ თბილისში, ვაკის რაიონში, თბინვალაში, იოსებ კეჭაყმაძის ქუჩასთან მდებარე უსახელო ქუჩისთვის და მასთან არსებული ოთხი ჩიხისთვის ხელბურთელის იმედო ფხაკაძის სახელის მინიჭების შესახებ;
2. ქალაქ თბილისში, ისნის რაიონში, პეტრე ხვედელიძისა და შანდორ პეტეფის ქუჩებთან არსებული უსახელო მოედნისთვის მონტევიდეოს სახელის მინიჭების შესახებ;
3. ქალაქ თბილისში, სამგორის რაიონში, ე.წ. ვარკეთილის ცენტრალური პარკისთვის უზბეკი პოეტის, მოაზროვნის და სახელმწიფო მოღვაწის ალიშერ ნავოის სახელის მინიჭების შესახებ;
4. ქალაქ თბილისში, ნაძალადევის რაიონში, ზიგზაგის ჩიხისთვის და ზიგზაგის II ქუჩისთვის ზიგზაგის სახელის მინიჭების შესახებ;
5. ქალაქ თბილისში, ნაძალადევის რაიონში, გვაზაურის II შესახვევისთვის გეოლოგის, აკადემიკოს გიორგი ძოწენიძის ქუჩის სახელის მინიჭების შესახებ;
6. ქალაქ თბილისში, მთაწმინდის რაიონში, ოქროყანაში, მირზა გელოვანის ქუჩასთან მდებარე უსახელო ქუჩისთვის კინორეჟისორ ომარ გვასალიას სახელის მინიჭების შესახებ;
7. ქალაქ თბილისში, გლდანის რაიონში, მუხიანი 2-ის დასახლებაში, კალოუზნის I გასასვლელისთვის, მასთან მდებარე უსახელო ქუჩისთვის, უსახელო ჩიხისთვის, შესახვევისთვის და კალოუზნის I ჩიხის მონაკვეთისთვის იკორთის სახელის მინიჭების შესახებ ;
8. ქალაქ თბილისში, ნაძალადევის რაიონში, დავით გურამიშვილის გამზირთან მდებარე უსახელო ქუჩისთვის, ახალდაბის ქუჩის მონაკვეთისთვის და ახალდაბის ჩიხისთვის დრამატურგისა და მსახიობის ავქსენტი ცაგარელის სახელის მინიჭების შესახებ;
9. ქალაქ თბილისში, ნაძალადევის რაიონში, მოლითის ქუჩის მონაკვეთისთვის, მოლითის I ჩიხისთვის, ახალდაბის ქუჩის მონაკვეთებისთვის და შესახვევისთვის ახალდაბის სახელის მინიჭების შესახებ;
10. ქალაქ თბილისში, გლდანის რაიონში, დრანდის ქუჩასთან არსებული უსახელო გასასვლელისთვის დრანდის I გასასვლელის სახელის მინიჭების შესახებ;
11. ქალაქ თბილისში, გლდანის რაიონში, ანდრო ქუჯოშვილის ქუჩასთან არსებული უსახელო შესახვევისთვის ანდრო ქუჯოშვილის IV შესახვევის სახელის მინიჭების შესახებ;

12. ქალაქ თბილისში, ვაკის რაიონში, აგარაკის დასახლებაში წმინდაწყლის ქუჩის გაგრძელების და ქუჩასთან არსებული უსახელო ჩიხისთვის წმინდაწყლის I ჩიხის სახელის მინიჭების შესახებ;
13. ქალაქ თბილისში, ვაკის რაიონში, ლეო კვაჭაძის ქუჩასთან არსებული უსახელო გასასვლელისთვის ლეო კვაჭაძის II გასასვლელის სახელის მინიჭების შესახებ;
14. ქალაქ თბილისში, სამგორის რაიონში, ალადასტურის ქუჩის გაგრძელების შესახებ;
15. ქალაქ თბილისში, სამგორის რაიონში, გრიგოლ ლორთქიფანიძის ქუჩასთან მდებარე სამი უსახელო ჩიხისთვის, ნავთლუღის II დასახლების III ქუჩისთვის, II ქუჩისთვის და გრიგოლ ლორთქიფანიძის გასასვლელისთვის გრიგოლ ლორთქიფანიძის I შესახვევის, I, II, III, IV და V ჩიხების სახელების მინიჭების შესახებ;
16. ქალაქ თბილისში, ჩუღურეთის რაიონში, იოსებ ჟორდანიას ქუჩასთან არსებული უსახელო ჩიხისთვის იოსებ ჟორდანიას I ჩიხის სახელის მინიჭების შესახებ;

ლევან აბაშიძემ კომისიის წევრებთან ერთად დღის წესრიგით წარმოდგენილი თითოეული საკითხი განიხილა.

სხდომის თავმჯდომარემ კომისიის წევრებს გააცნო პირველი საკითხი, რომელიც შეეხება ვაკის რაიონში, თხინვალაში, იოსებ კეჭაყმაძის ქუჩასთან მდებარე უსახელო ქუჩისთვის და მასთან არსებული ოთხი ჩიხისთვის ხელბურთელის იმედო ფხაკაძის სახელის მინიჭებას. იმედო ფხაკაძე იყო ხელბურთელი, თბილისის „ბურევესტნიკის“ მთავარი მწვრთნელი 1974-1978 წლებში. მისი ხელმძღვანელობით „ბურევესტნიკი“ სსრკ ხალხთა VI სპარტაკიადასა და სსრკ-ის ჩემპიონატში მესამე საპრიზო ადგილზე გავიდა. მცირე ხნით ავარჯიშებდა იორდანიის ნაკრებს. არის საქართველოს დამსახურებული მწვრთნელი. გეოგრაფიული ობიექტის შერჩევის პროცესში კომისიის მიერ კონსულტაციები გაიმართა, როგორც ხელბურთის ფედერაციასთან, ასევე სპორტსმენის ოჯახის წევრებთან. კომისიის წევრებმა საკითხს დადებითი რეკომენდაცია მისცეს.

მეორე საკითხი შეეხება ისნის რაიონში, პეტრე ხვედელიძისა და შანდორ პეტეფის ქუჩებთან არსებული უსახელო მოედნისთვის მონტევიდეოს სახელის მინიჭებას. ცნობილია, რომ მონტევიდეოს საოლქო საბჭომ ქალაქ მონტევიდეოში ხუან ბაუტისტა ალბერდისა და ბოლივიის გამზირების კვეთაზე არსებულ მოედანს მიანიჭა „თბილისის მოედნის“ სახელი. ურუგვაისა და საქართველოს შორის მეგობრული კავშირების და ნაცვალგების პრინციპების გათვალისწინებით, კომისიამ დადებითი რეკომენდაცია მისცა აღნიშნულ საკითხს.

მესამე საკითხის განხილვისას ლევან აბაშიძემ ისაუბრა სამგორის რაიონში, ე.წ. ვარკეთილის ცენტრალური პარკისთვის უზბეკი პოეტის და სახელმწიფო მოღვაწის ალიშერ ნავოის სახელის მინიჭების შესახებ; აღსანიშნავია ის, რომ ქალაქ ტაშკენტის ცენტრალურ უბანში გამავალი ერთ-ერთი მთავარი ქუჩა დაახლოებით 6,5 კმ. სიგრძისაა, იგი ქალაქის ცხოვრებაში მნიშვნელოვან როლს ასრულებს და ისტორიულ-კულტურული მნიშვნელობის მატარებელია.

საქართველოსა და უზბეკეთის რესპუბლიკას შორის დიპლომატიური ურთიერთობების, მეგობრული კავშირებისა და ნაცვალგების პრინციპების გათვალისწინებით, კომისიამ დადებითი რეკომენდაცია გაუწია აღნიშნულ საკითხს.

ლევან აბაშიძის ინფორმაციით მეოთხე საკითხი შეეხება ნამალადევის რაიონში, ზიგზაგის ჩიხისთვის და ზიგზაგის II ქუჩისთვის ზიგზაგის სახელის მინიჭებას. როგორც დგინდება ზიგზაგის სახელით ცნობილ ორივე ქუჩაზე გზათა ქსელი უსისტემოდაა სახელდებული. ქუჩის სახელი მინიჭებული აქვს მონაკვეთებს, სადაც არ არსებობს ფაქტობრივი გასასვლელი ან ორი დამოუკიდებელი ქუჩა ერთმანეთს ქვეითთა გადაადგილებისთვის მოწყობილი კიბით უკავშირდება. აღნიშნული ხარვეზები პრობლემებს ქმნის, როგორც სანავიგაციო მიმართულებით, ასევე ართულებს შენობა-ნაგებობების თანამედროვე ნუმერაციის პროცესს. კომისიამ დადებითი რეკომენდაცია მისცა საკითხს.

ლევან აბაშიძემ კომისიის წევრებს გააცნო დღის წესრიგით წარმოდგენილი მეხუთე საკითხი, რომელიც შეეხება ნამალადევის რაიონში, გვაზაურის II შესახვევისთვის გეოლოგის, აკადემიკოს გიორგი ძოწენიძის ქუჩის სახელის მინიჭებას. აღნიშნული ტერიტორია ესაზღვრება ზიგზაგის ქუჩებს და საერთო გეგმარებითი და ურბანული თავისებურებების გათვალისწინებით იდენტური პრობლემებით გამოირჩევა.

ხსენებულ ტერიტორიაზე არსებული გზათა ქსელების მოწესრიგების პროცესი 2024 წელს დაიწყო. #261 განკარგულებით გვაზაურის I შესახვევის მონაკვეთს, გვაზაურის II გასასვლელის მონაკვეთს, ჩიხებს და შესახვევებს მიენიჭა ფიზიკოსის, აკადემიკოს ალბერტ თავხელიძის სახელი. ვინაიდან გვაზაურის II შესახვევი ქალაქგეგმარებითი თვალსაზრისით წარმოადგენს დამოუკიდებელ ქუჩას და არ აქვს გეოგრაფიული კავშირი გვაზაურის ქუჩის ძირითად მონაკვეთთან, მიზანშეწონილია მისთვის დამოუკიდებელი სახელის მინიჭება. გიორგი ძოწენიძე იყო გეოლოგი, საქართველოს მეცნიერებათა აკადემიის აკადემიკოსი, თსუ-ს მინერალოგიისა და პეტროგრაფიის კათედრის გამგე, ასევე ვულკანოლოგთა და სედიმენტოლოგთა საერთაშორისო ასოციაციის, ბულგარეთის და ლონდონის გეოლოგიისა და აშშ-ის გეოგრაფიის საზოგადოებების წევრი. კომისიამ დადებითად შეაფასა საკითხი.

დღის წესრიგით წარმოდგენილი მეექვსე საკითხი შეეხება მთაწმინდის რაიონში, ოქროყანაში, მირზა გელოვანის ქუჩასთან მდებარე უსახელო ქუჩისთვის კინორეჟისორ ომარ გვასალიას სახელის მინიჭებას. იგი იყო კინორეჟისორი, რეჟისორი ფილმებისა: „ალყა“, „ქართველები ცაში“, „დროებითი მოწმობა“, „ერთგული მეგობარი“ და სხვა. 80-იანი წლებში საქართველოს სოციალური და საზოგადოებრივი პრობლემები ასახა ილია ჭავჭავაძის ცხოვრებისა და მოღვაწეობისადმი მიძღვნილ ფილმში „რამდენიმე სურათი ილიას ცხოვრებიდან“. ომარ გვასალია დაჯილდოებულია ილია ჭავჭავაძის სახელობის ქართველოლოგიის ინსტიტუტის პრიზით, ქართული კინოფესტივალი „ოქროს არწივის“ და საქართველოს კინემატოგრაფისტთა კავშირის სხვა პრიზებითა და ჯილდოებით. კომისიამ აღნიშნულ საკითხს დადებითი რეკომენდაცია მისცა.

ლევან აბაშიძემ კომისიის წევრებს გააცნო დღის წესრიგით წარმოდგენილი მეშვიდე საკითხი, რომელიც შეეხება გლდანის რაიონში, მუხიანი 2-ის დასახლებაში, კალოუზნის I გასასვლელისთვის, მასთან მდებარე უსახელო ქუჩისთვის, უსახელო ჩიხისთვის, შესახვევისთვის და კალოუზნის I ჩიხის მონაკვეთისთვის იკორთის სახელის მინიჭებას. წარმოქმნილი ქუჩისთვის, ჩიხისთვის და შესახვევისთვის სახელის შერჩევისას კომისიამ იხელმძღვანელა მიმდებარე ტერიტორიაზე არსებული სახელწოდებების თავისებურებებით, როგორც დგინდება მუხიანი 2-ის დასახლებაში ქუჩებს მინიჭებული აქვს ქართული სოფლებისა და დასახლებების სახელები. კომისიამ შეარჩია იკორთის სახელი. ისტორიული სოფელი მდებარეობს ერედვის მუნიციპალიტეტში, 2008 წლიდან ოკუპირებულია რუსეთის ფედერაციის მიერ. იკორთაში მდებარეობს 1172 წელს აგებული გუმბათოვანი ტაძარი, რომელიც ეროვნული მნიშვნელობის კულტურული მემკვიდრეობის უძრავ ძეგლთა კატეგორიას განეკუთვნება. კომისიის წევრებმა აღნიშნულ საკითხს დადებითი რეკომენდაცია გაუწიეს.

ლევან აბაშიძემ კომისიის წევრებს გააცნო დღის წესრიგით წარმოდგენილი მერვე და მეცხრე საკითხები, რომლებიც შეეხება დამისამართებას ნაძალადევის რაიონში. კერძოდ, დავით გურამიშვილის გამზირთან მდებარე უსახელო ქუჩას, ახალდაბის ქუჩის მონაკვეთს და ახალდაბის ჩიხს მიენიჭება დრამატურგიისა და მსახიობის ავქსენტო ცაგარელის სახელი; ასევე მოლითის ქუჩის მონაკვეთს, მოლითის I ჩიხს, ახალდაბის ქუჩის მონაკვეთებს და შესახვევს მიენიჭება ახალდაბის სახელი. ტერიტორიის შესწავლისას დგინდება, რომ ~~ახალდაბის~~ დასახლება მდებარეობს დავით გურამიშვილის გამზირის მიმდებარედ. ტერიტორია განაშენიანებულია უსისტემოდ, გზათა ქსელის სახელდება კი განხორციელებულია ფაქტობრივი მდგომარეობის უგულვებელყოფით. ახალდაბის ქუჩის სახელი მინიჭებული აქვს სრულ ქსელს, რაც შეუძლებელს ხდის, როგორც შენობა-ნაგებობების ნუმერაციას, ასევე არსებული მისამართების მიგნებას. კომისიას მიზანშეწონილად მიაჩნია ძირითადი ქუჩის, შესახვევების, ჩიხებისა და გასასვლელების დიფერენცირება და შესაბამისად სახელდება კომისიამ აღნიშნულ საკითხებს დადებითი რეკომენდაცია მისცა.

ლევან აბაშიძემ კომისიის წევრებს გააცნო დღის წესრიგით წარმოდგენილი მეათე და მეთერთმეტე საკითხები. მეათე საკითხი შეეხება გლდანის რაიონში, დრანდის ქუჩასთან არსებული უსახელო გასასვლელისთვის დრანდის I გასასვლელის სახელის მინიჭებას. ტერიტორიის შესწავლისას აღმოჩნდა, უსახელო გეოგრაფიული ობიექტი მდებარეობს დრანდის ქუჩასთან და ქალაქგეგმარებითი თვალსაზრისით წარმოადგენს მის უსახელო გასასვლელს. მეთერთმეტე საკითხი შეეხება ასევე გლდანის რაიონში ანდრო ქუჯოშვილის ქუჩასთან არსებული უსახელო შესახვევისთვის ანდრო ქუჯოშვილის IV შესახვევის სახელის მინიჭებას. უსახელო გეოგრაფიული ობიექტი მდებარეობს ანდრო ქუჯოშვილის ქუჩასთან და ქალაქგეგმარებითი თვალსაზრისით წარმოადგენს მის უსახელო შესახვევს. კომისიას მიზანშეწონილად მიაჩნია აღნიშნული სახელდებები.

ლევან აბაშიძის ინფორმაციით ვაკის რაიონში, აგარაკის დასახლებაში წმინდაწყლის ქუჩის გაგრძელებას და ქუჩასთან არსებულ უსახელო ჩიხს მიენიჭება წმინდაწყლის I ჩიხის სახელი. ტერიტორიის შესწავლისას აღმოჩნდა, რომ უსახელო გეოგრაფიული ობიექტი მდებარეობს აგარაკის დასახლებაში, წმინდაწყლის ქუჩასთან და ქალაქგეგმარებითი თვალსაზრისით შესაძლებელია მისი გაგრძელება. ქუჩასთან განვითარებულია ერთი უსახელო ჩიხი. კომისიამ დაუჭირა მხარი აღნიშნულ საკითხს.

დღის წესრიგით წარმოდგენილი მეცამეტე საკითხით ვაკის რაიონში, ლეო კვაჭაძის ქუჩასთან არსებული უსახელო გასასვლელს მიენიჭება ლეო კვაჭაძის II გასასვლელის სახელი. უსახელო გეოგრაფიული ობიექტი მდებარეობს ლეო კვაჭაძის ქუჩასთან და ქალაქგეგმარებითი თვალსაზრისით წარმოადგენს მის უსახელო გასასვლელს.

დღის წესრიგით წარმოდგენილი მეთოთხმეტე საკითხით სამგორის რაიონში გაგრძელება აღადასტურის ქუჩა.

მეთხუთმეტე საკითხით, ასევე სამგორის რაიონში განხორციელდება დამისამართება. ტერიტორიის შესწავლის შემდეგ დგინდება, რომ გრიგოლ ლორთქიფანიძის ქუჩის მიმდებარედ არსებობს უსახელო გეოგრაფიული ობიექტები, ხოლო რიგ ობიექტებს სახელწოდებები მინიჭებული აქვს ნავთლულის II დასახლების რომაული ციფრებით. იმის გათვალისწინებით, რომ ნავთლულის დასახლებას აღნიშნულ ტერიტორიასთან შემხებლობა არ აქვს. კომისიის ინიციატივით, მუნიციპალიტეტის საკრებულომ 2022 წელს რიგ ქუჩებს 1989 წლის 9 აპრილს დაღუპულთა სახელები მიანიჭა. წინამდებარე ინიციატივა 2022 წელს დაწყებული ქსელის მოწესრიგების პროცესის ლოგიკური გაგრძელებაა. ყოველივე ზემოხსენებულიდან გამომდინარე, კომისიამ მიიღო გადაწყვეტილება, რომ სამგორის რაიონში ნავთლულის II დასახლების II ქუჩის მონაკვეთს მიენიჭოს გრიგოლ ლორთქიფანიძის I შესახვევის სახელი, გრიგოლ ლორთქიფანიძის ქუჩასთან არსებულ ორ უსახელო ჩიხს მიენიჭოს გრიგოლ ლორთქიფანიძის I და III ჩიხის სახელი, ნავთლულის II დასახლების III ქუჩას მიენიჭოს გრიგოლ ლორთქიფანიძის II ჩიხის სახელი, გრიგოლ ლორთქიფანიძის ქუჩასთან არსებულ უსახელო ჩიხს და მასთან არსებულ II ქუჩის მონაკვეთს მიენიჭოს გრიგოლ ლორთქიფანიძის IV ჩიხის სახელი,

ხოლო გრიგოლ ლორთქიფანიძის გასასვლელს მიენიჭოს გრიგოლ ლორთქიფანიძის V ჩიხის სახელი.

დღის წესრიგით წარმოდგენილი მეთექვსმეტე საკითხით ჩუღურეთის რაიონში, იოსებ ჟორდანიას ქუჩასთან არსებულ უსახელო ჩიხს მიენიჭება იოსებ ჟორდანიას I ჩიხის სახელი.

ლევან აბაშიძის განცხადებით, წარმოდგენილი საკითხები მოქმედი კანონმდებლობის შესაბამისად ინიციატივებად დარეგისტრირდება საკრებულოს წინაშე, რეგისტრაციიდან არაუადრეს 20 დღისა გაიმართება საჯარო განხილვა და ამის შემდგომ მოხდება საკრებულოს სხდომაზე გატანა.

სხდომის თავმჯდომარემ სხდომა დახურულად გამოაცხადა.

სახელდებისა და სიმბოლიკის

კომისიის თავმჯდომარე

ლევან აბაშიძე

